

**EMBARGO UNTIL 4.30PM
TUESDAY 17th JUNE 2014**



**TAKLIMAT RANGKA KERJA PENDAFTARAN EJEN AM
DEWAN TEATER, BANGUNAN KEMENTERIAN KEWANGAN
19 SYAABAN 1435 BERSAMAAN 17 JUNE 2014**

1. Autoriti Monetari Brunei Darussalam (AMBD) dan Brunei Insurance and Takaful Association (BITA) telah menganjurkan taklimat mengenai Rangka Kerja Pendaftaran Ejen Am pada hari ini, 19 Syaaban 1435 bersamaan dengan 17 Jun 2014 bertempat di Dewan Teater, Bangunan Kementerian Kewangan.
2. Yang Mulia Dayang Hajah Lily binti Haji Kula, Timbalan Pengarah Urusan (Regulatori) di dalam ucapan alu-aluannya, menekankan kepentingan rangka kerja pendaftaran ejen am dalam meningkatkan profesionalisme dan disiplin pasaran bagi industri insurans / takaful khususnya bagi ejen-ejen. Orang ramai juga diingatkan untuk memastikan mereka membayar premium atau menyertai pelan takaful yang memberikan perlindungan yang memadai dengan keperluan mereka daripada terkeliru kepada harga yang ditawarkan sahaja yang akan mengakibatkan ketidakpercayaan dalam insurans dan takaful. Di samping itu, beliau juga mengambil kesempatan bagi mengingatkan pihak industri untuk menilai dan menentukan harga risiko dengan betul dan bukannya menentukan kadar premium berdasarkan kepada harga yang ditawarkan oleh pesaing bagi memastikan keuntungan dalam jangka masa panjang.
3. Dengan pengenalan garis panduan baru yang akan berkuatkuasa pada 1 Julai 2014, semua ejen insurans / takaful am kini dikehendaki untuk berdaftar dengan BITA dan AMBD. Melalui proses pembaharuan tahunan bagi pendaftaran, pengawalseliaan ejen-ejen akan menjadi lebih rapi dan teratur dan ini akan membantu meningkatkan keyakinan orang ramai. Rangka kerja tersebut akan berkuatkuasa sepenuhnya bermula 1 Januari 2015.
4. Taklimat tersebut disampaikan oleh wakil daripada AMBD dan BITA yang bertujuan untuk memberikan penjelasan terperinci termasuk syarat dan terma mengenai proses 2-tier yang baru bagi pendaftaran ejen am melalui BITA dan AMBD. Taklimat tersebut dihadiri oleh kira-kira 200 orang ejen insurans am dan takaful am yang beroperasi di Negara Brunei Darussalam.
5. Di dalam majlis tersebut, Yang Mulia Dayang Hajah Lily juga telah melancarkan logo baru bagi BITA dan sekaligus telah menyampaikan hadiah kepada pemenang pertandingan mencipta logo yang telah diadakan baru-baru ini.

**Autoriti Monetari Brunei Darussalam
Tarikh : 19 Syaaban 1435 / 17 Jun 2014
Rujukan : AMBD/R/ITS/5**